

Հաստատված է՝
Տնօրինության 24.03.2026թ. -ի
Թիվ DEC 12-25 արձանագրությամբ:
ՌԻԺի մեջ է մտնում 13.04.2026թ. -ից

ՏԵՂԵԿԱՏՎԱԿԱՆ ԱՄՓՈՓԱԳԻՐ

Իրավաբանական անձանց և Անհատ ձեռնարկատերերի Ժամկետային ավանդի

1. Ավանդի տոկոսադրույք (պարզ անվանական)՝ տարեկան կտրվածքով ավանդային պայմանագրով սահմանված տոկոսադրույք, որի հիման վրա Բանկը հաշվարկում է ավանդատուին վճարման ենթակա տոկոսագումարները:

Արժույթ	Տոկոսագումարի վճարման եղանակ							
	Ժամկետի վերջում				Ամսական			
	31-90 օր	91-180 օր	181-366 օր	367-550	31-90 օր	91-180 օր	181-366 օր	367-550
AMD	7.00% (7.00%)*	8.50% (8.50%)*	10.00% (10.00%)*	10.25% (10.25%)*	6.50% (6.70%)*	8.00% (8.30%)*	9.50% (9.92%)*	9.75% (10.20%)*
USD	2.00% (2.00%)*	2.75% (2.75%)*	4.75% (4.75%)*	5.25% (5.25%)*	1.75% (1.76%)*	2.50% (2.53%)*	4.50% (4.59%)*	5.00% (5.12%)*
EUR	1.00% (1.00%)*	1.25% (1.25%)*	2.25% (2.25%)*	2.75% (2.75%)*	0.75% (0.75%)*	1.00% (1.00%)*	2.00% (2.02%)*	2.50% (2.53%)*
RUB	8.00% (8.00%)*	8.00% (8.00%)*	7.00% (7.00%)*	7.00% (7.00%)*	7.75% (8.03%)*	7.75% (8.03%)*	6.75% (6.96%)*	6.75% (6.96%)*

*Տարեկան տոկոսային եկամտաբերություն

ՌԻՇԱԴՐՈՒԹՅՈՒՆ՝ ՁԵՐ ԱՎԱՆԴԱՅԻՆ ՀԱՇՎԻՆ ԱՌԿԱ ՄԻՋՈՑՆԵՐԻ ՆԿԱՏՄԱՄԲ ՏՈԿՈՍԱԳՈՒՄԱՐՆԵՐԸ ՀԱՇՎԱՐԿՎՈՒՄ ԵՆ ԱՆՎԱՆԱԿԱՆ ՏՈԿՈՍԱԴՐՈՒՅՔԻ ՀԻՄԱՆ ՎՐԱ: ԻՍԿ ՏԱՐԵԿԱՆ ՏՈԿՈՍԱՅԻՆ ԵԿԱՄՏԱԲԵՐՈՒԹՅՈՒՆԸ ՑՈՒՅՑ Է ՏԱԼԻՍ, ԹԵ ՈՐՔԱՆ ԵԿԱՄՈՒՏ ԿՍՏԱՆԱՔ ԴՈՒՔ ՁԵՐ ԿՈՂՄԻՑ ԱՎԱՆԴԻ ՀԵՏ ԿԱՊԱԾՈՒ ՊԱՐՏԱԴԻՐ ՎՃԱՐՆԵՐ ԿԱՏԱՐԵԼՈՒ ԵՎ ՍԱՀՄԱՆՎԱԾ ՊԱՐԲԵՐԱԿԱՆՈՒԹՅԱՄԲ ՎԱՍՏԱԿԱԾ ՏՈԿՈՍԱԳՈՒՄԱՐՆԵՐԸ ՍՏԱՆԱԼՈՒ ԱՐԴՅՈՒՆՔՈՒՄ: ՏԱՐԵԿԱՆ ՏՈԿՈՍԱՅԻՆ ԵԿԱՄՏԱԲԵՐՈՒԹՅԱՆ ՀԱՇՎԱՐԿՄԱՆ ԿԱՐԳԸ ԿԱՐՈՂ ԵՔ ԳՏՆԵԼ ՍՈՒՅՆ ԱՄՓՈՓԱԳՐԻ 8-ՐԴ ԿԵՏՈՒՄ:

2. Ավանդի նկարագրություն, ներգրավման ընդհանուր դրույթներ՝

- 2.1. Ավանդը ներդրվում է իրավաբանական անձանց և անհատ ձեռնարկատերի կողմից (<< ռեզիդենտ և ոչ ռեզիդենտ):
- 2.2. Ավանդը ներդրվում է ՀՀ դրամ, ԱՄՆ դոլար, եվրո և ՌԴ ռուբլի արժույթներով:
- 2.3. Ավանդի ներդրման համար սահմանվող նվազագույն գումարը կազմում է 200 000 ՀՀ դրամ, 500 ԱՄՆ դոլար/եվրո, 30 000 ՌԴ ռուբլի:

2.4. Ավանդի ներդրման համար առավելագույն գումար չի սահմանվում: ՌԴ ռուբլով ավանդների ներգրավումը և հետագայում կատարվելիք մուտքագրումները (համալրումները) իրականացվում են միայն անկանխիկ եղանակով¹:

2.5. Ավանդը լրացուցիչ մուտքագրումներով է և առանց ելքագրումների: Ընդ որում, մուտքագրումների արդյունքում Ավանդի գումարը չի կարող գերազանցել ավանդատեսակի համար սահմանված առավելագույն շեմը՝ համաձայն 2.4 կետի: Ավանդի մուտքագրումներ կարող են կատարվել Բանկի ցանկացած մասնաճյուղում:

2.6. Ավանդի ժամկետը սահմանվում է 31-550օր: Նշված ժամկետից ավել ժամկետով ավանդները ներգրավվում են պայմանագրային հիմունքներով: Ավանդն ընդունելիս այն մուտքագրվում է այդ նպատակով բացված ավանդային հաշվին: Ավանդային հաշիվները վարվում են ընթացիկ և այլ բանկային հաշիվներից առանձին և դրանց նկատմամբ տարածվում են Հաշիվների վերաբերյալ հիմնական պայմանների դրույթները:

2.7. Ժամկետային ավանդի տոկոսները հաշվարկվում են գումարը Բանկ մուտք լինելու օրվանից մինչև այն ավանդատուին վերադարձնելու կամ Ավանդատուի հաշվից այլ հիմունքներով դուրս գրվելու օրվան նախորդող օրն ընկած

¹ Ավանդային հաշվին անկանխիկ մուտքագրումները կարող են իրականացվել ինչպես այլ բանկերից միջբանկային փոխանցման միջոցով, այնպես էլ Հաճախորդի Բանկում առկա ՌԴ ռուբլիով բանկային հաշվից: Հաճախորդի կողմից Բանկում ՌԴ ռուբլիով հաշվի բացում իրականացվում է համաձայն Բանկում գործող «Բանկային հաշիվների, փոխանցումների և «Ֆասթ Բանկ» ՓԲԸ կողմից մատուցվող այլ ծառայությունների սակագներ»-ի:

Հաստատված է՝
Տնօրինության 24.03.2026թ.-ի
Թիվ DEC 12-25 արձանագրությամբ:
ՌԻժի մեջ է մտնում 13.04.2026թ.-ից

Ժամանակահատվածի օրացուցային օրերի համար: Ներդրված ավանդի յուրաքանչյուր օրվա տոկոսադրույքը հաշվարկվում է սահմանված տոկոսադրույքի 1/365 հարաբերակցությամբ, իսկ նահանջ տարվա համար 1/366 հարաբերակցությամբ: Տոկոսները հաշվարկվում են ավանդի փաստացի մնացորդի նկատմամբ:

2.8. Ավանդի դիմաց հաշվեգրված տոկոսագումարները վճարվում են Ավանդի ժամկետի ավարտին կամ ամսական պարբերականությամբ՝ պայմանագրի համաձայն: Ամսական պարբերականությամբ տոկոսների վճարման դեպքում Ավանդի դիմաց տոկոսների վճարման պարբերականությունը է յուրաքանչյուր ամիս ավանդի ներդրման նույն օրը և փոխանցվում է ավանդի պայմանագրով նախատեսված և ավանդատուի կողմից նշված հաշվեհամարին:

2.9. ՀՀ դրամով ներդրված ավանդի դիմաց տոկոսագումարները վճարվում են ՀՀ դրամով, իսկ արտարժույթով ներդրված Ավանդի դիմաց տոկոսագումարները՝ ավանդի արժույթով:

2.10. Ավանդի հաշվարկված տոկոսագումարը փոխանցվում է Բանկում Ավանդատուի բանկային կամ քարտային հաշվին (եթե ժամկետային ավանդի պայմանագրով առկա չէ Ավանդատուի այլ հանձնարարական):

2.11. **Պայմանագրով սահմանված տոկոսադրույքը պայմանագրային ժամկետում փոփոխման ենթակա չէ, եթե պայմանագրով այլ բան նախատեսված չէ:**

2.12. Իրավաբանական անձանց և անհատ ձեռնարկատերերի հարկման կարգը, չափը և մյուս առանձնահատկությունները կարգավորվում են ՀՀ հարկային օրենսգրքով և այլ նորմատիվ իրավական ակտերով:

2.13. Ավանդատուն իրավունք ունի ավանդի, ինչպես նաև տոկոսների օգտագործման և/կամ տնօրինման իրավունքը փոխանցել այլ անձի միայն նոտարական կարգով վավերացված լիազորագրի կամ ՀՀ քաղաքացիական օրենսգրքով դրան հավասարեցված այլ մարմինների կողմից հաստատված լիազորագրի հիման վրա, ինչպես նաև Բանկի ներքին իրավական ակտերով սահմանված այլ հիմքերով:

2.14. Երրորդ անձանցից ավանդատուի անունով մուտքագրվում են դրամական միջոցներ Ավանդի հաշվին՝ հաշվի մասին անհրաժեշտ տվյալների նշումով, եթե այլ բան նախատեսված չէ պայմանագրով: Ընդ որում, ենթադրվում է, որ ավանդատուն, նման անձանց իր ավանդի հաշվի մասին անհրաժեշտ տվյալներ տրամադրելով, համաձայնվել է նրանից ստանալ դրամական միջոցներ:

3. Ավանդի ձևակերպման և դադարեցման դրույթները՝

3.1. Ավանդի ձևակերպումն իրականացվում է ավանդատուի՝ համապատասխան փաստաթղթերի ներկայացմամբ: Հաճախորդից պահանջվող փաստաթղթերի ցանկը սահմանվում է Բանկի կողմից և հրապարակվում է Բանկի պաշտոնական ինտերնետային կայքում՝ www.fastbank.am:

3.2. Ավանդը կարող է վերադարձվել ավանդային պայմանագրով սահմանված ժամկետից շուտ: Ավանդատուի պահանջով ավանդի պայմանագրի ժամկետից շուտ ավանդը վերադարձնելու դեպքում կատարվում է տոկոսների վերահաշվարկ՝ **31-366 օր ժամկետով ավանդների համար ՀՀ դրամի դեպքում 4%, ԱՄՆ դոլար/Եվրո/ՌԴ ռուբլի արժույթների դեպքում 0,5% տարեկան տոկոսադրույքով, 367-550 օր ժամկետով ավանդների համար ՀՀ դրամի դեպքում 7%, ԱՄՆ դոլարի դեպքում 2%, Եվրոյի դեպքում 1%, ՌԴ ռուբլու դեպքում 0,5%** տարեկան տոկոսադրույքով, եթե այլ բան նախատեսված չէ պայմանագրով՝ Ավանդի գումարից հաշվանցելով արդեն իսկ վճարված տոկոսագումարը, եթե այդպիսիք եղել են:

3.3. Իրավաբանական անձ հաճախորդի՝ ավանդը հետ ստանալու իրավունքը կարող է սահմանափակվել Բանկի և Հաճախորդի միջև կնքված պայմանագրով: Անհատ ձեռնարկատերերի դեպքում սույն կետը կիրառելի չէ:

3.4. Առանց խզման իրավունքի կնքված Պայմանագրերի դեպքում ավանդատուն իրավունք չունի խզելու Պայմանագիրը և հետ պահանջելու ավանդի գումարը՝ Պայմանագրով սահմանված ժամկետից շուտ:

3.5. Պայմանագրով նախատեսված դեպքում Խոշոր ավանդատուներից ներգրավված Ավանդը կամ դրա մի մասը ժամկետից շուտ վերադարձնելու վերաբերյալ Ավանդատուի կողմից պահանջ ներկայացվելու դեպքում ավանդը Բանկը վերադարձնում է պահանջը ներկայացնելուց 30 օր հետո՝ մեկ բանկային օրվա ընթացքում:

3.6. Խոշոր ավանդատու է համարվում այն իրավաբանական անձը, որը Փոքր և միջին ձեռնարկատիրության պետական աջակցության մասին ՀՀ օրենքի համաձայն չի դասակարգվում որպես փոքր և միջին ձեռնարկատիրության սուբյեկտ:

Հաստատված է՝
Տնօրինության 24.03.2026թ. -ի
Թիվ DEC 12-25 արձանագրությամբ:
Ուժի մեջ է մտնում 13.04.2026թ. -ից

3.7. Ավանդատուի ցանկությամբ ավանդային պայմանագրի գործողության ժամկետի ավարտին Ավանդը կարող է ինքնաշխատ եղանակով երկարաձգվել տվյալ պահին տվյալ ավանդատեսակի համար գործող պայմաններով և տոկոսադրույքով: Համապատասխան ավանդատեսակի պայմաններով այլ բան նախատեսված լինելու դեպքում հիմք են ընդունվում այդ պայմանները: Բանկում տվյալ ավանդատեսակը դադարեցված լինելու դեպքում Պայմանագիրը չի երկարաձգվում և ավանդի գումարը ժամկետի ավարտին փոխանցվում է պայմանագրով նախատեսված Բանկում բացված ավանդատուի Բանկային հաշվին: Ավանդի պայմանագիրը երկարաձգվում է Պայմանագրին նոր կող տրամադրելու միջոցով՝ առանց նոր պայմանագիր կնքելու:

3.8. Պայմանագրի գործողության ընթացքում Բանկն իրավասու է միակողմանի փոփոխել պայմանագրում նախատեսված Պայմանագրի ժամկետի ինքնաշխատ երկարաձգման պայմանը, նախօրոք, այդ մասին, Պայմանագրի գործողության ժամկետը լրանալուց առնվազն 15 օրացուցային օր առաջ տեղյակ պահելով Ավանդատուին:

4. Տեղեկատվություն սակագների, տուժանքների և քաղվածքների մասին՝

4.1. Ավանդային հաշվի բացման, վարման և փակման անվճար է:

4.2. Ավանդատուի և Բանկի միջև հաղորդակցումը /այդ թվում՝ պարտադիր ներկայացման տեղեկատվության և քաղվածքների տրամադրումը/ իրականացվում է Բանկի և Հաճախորդի միջև կնքված ավանդային պայմանագրով Հաճախորդի կողմից ընտրված եղանակով (փոստային, էլեկտրոնային կամ կապի այլ միջոցներով):

ԴՈՒՔ ԻՐԱՎՈՒՆՔ ՈՒՆԵՔ ՀԱՂՈՐԴԱԿՑՎԵԼ ՖԻՆԱՆՍԱԿԱՆ ԿԱԶՄԱԿԵՐՊՈՒԹՅԱՆ ՀԵՏ ՁԵՐ ՆԱԽԸՆՏՐԱԾ ԵՂԱՆԱԿՈՎ՝ ՓՈՍՏԱՅԻՆ ԿԱՊԻ ՄԻՋՈՑՈՎ ԿԱՄ ԷԼԵԿՏՐՈՆԱՅԻՆ ԵՂԱՆԱԿՈՎ: ԷԼԵԿՏՐՈՆԱՅԻՆ ԵՂԱՆԱԿՈՎ ՏԵՂԵԿԱՏՎՈՒԹՅԱՆ ՍՏԱՑՈՒՄԸ ԱՄԵՆԱՀԱՐՄԱՐԱՎԵՏՆ Է: ԱՅՆ ՀԱՍԱՆԵԼԻ Է 24/7 ՌԵԺԻՄՈՎ, ՁԵՐԾ Է ԹԻԹԱՅԻՆ ՏԵՂԵԿԱՏՎՈՒԹՅԱՆ ԿՈՐՍՏԻ ՌԻՍԿԵՐԻՑ ԵՎ ԱՊԱՀՈՎՈՒՄ Է ԳԱՂՏՆԻՈՒԹՅՈՒՆ:

4.3. Ավանդային հաշիվների քաղվածքները ավանդատուներին տրամադրվում են ամսական պարբերականությամբ: Բանկը պարտավոր չէ քաղվածք տրամադրել, եթե հաշվետու ժամանակաշրջանում ավանդային հաշվի շարժը բացակայում է:

4.4. Ավանդային հաշվից քաղվածքների և վճարային փաստաթղթերի կրկնօրինակների, ինչպես նաև ավանդային հաշվի վերաբերյալ այլ տեղեկություններն ավանդատուին տրամադրվում են համաձայն Բանկում գործող ի տվյալ ծառայության սակագնի, որոնք հրապարակված են Բանկի պաշտոնական կայքում՝ www.fastbank.am:

5. Վեճերի լուծման կարգը՝

5.1. Պայմանագրի գործողության ընթացքում կողմերի միջև ծագած վեճերը և տարաձայնությունները լուծվում են բանակցությունների միջոցով: Բանակցությունների միջոցով համաձայնության չգալու դեպքում վեճը լուծվում է ՀՀ օրենսդրությամբ սահմանված կարգով: Հաճախորդը հնարավորություն ունի Բանկի նկատմամբ ունեցած իր բողոք-պահանջները ներկայացնել ֆինանսական համակարգի հաշտարարին:

5.2. **Տեղեկացնում ենք**, որ Բանկը կնքել է ֆինանսական համակարգի հաշտարարի որոշումները վիճարկելու իրավունքից հրաժարվելու վերաբերյալ համաձայնագիր այն պահանջներով, որոնց ընդհանուր չափը չի գերազանցում 100 000 ՀՀ դրամը կամ համարժեք արտարժույթը:

5.3. **Հայտարարություն՝** ավանդային հաշիվը և դրանում եղած դրամական միջոցները տնօրինելու հաշվետիրոջ իրավունքները կարող են սահմանափակվել դատարանի վճռով դատական ակտերի հարկադիր կատարումն ապահովող մարմինների կամ հարկային մարմինների կողմից ներկայացված հայտի հիման վրա:

5.4. **Հայտարարություն՝** առանց ավանդատուի/հաշվետիրոջ կարգադրության ավանդային հաշվից դրամական միջոցների բռնագանձումը կարող է իրականացվել դատարանի վճռով դատական ակտերի հարկադիր կատարումն ապահովող մարմինների և հարկային մարմինների կողմից ներկայացված հայտի հիման վրա: Ընդ որում, Հաճախորդն իր ավանդային հաշվից դրամական միջոցների բռնագանձման վերաբերյալ տեղեկացվում է տվյալ հաշվի քաղվածքի միջոցով՝ իր կողմից նախապես ընտրված քաղվածքի ստացման եղանակով և կարգով:

6. Բանկը «Փողերի լվացման և ահաբեկչության ֆինանսավորման դեմ պայքարի մասին» ՀՀ օրենքով սահմանված

Հաստատված է՝
Տնօրինության 24.03.2026թ. -ի
Թիվ DEC 12-25 արձանագրությամբ:
Ուժի մեջ է մտնում 13.04.2026թ. -ից

Հաճախորդի պատշաճ ուսումնասիրության նպատակով կարող է հաճախորդից «Ճանաչիր քո հաճախորդին» («Know your customer») սկզբունքի հիման վրա պահանջել լրացուցիչ փաստաթղթեր կամ այլ տեղեկություններ, ինչպես նաև բանավոր հաղորդակցման ընթացքում լրացուցիչ հարցեր տալ Հաճախորդին (նման պահանջի առկայության դեպքում):

7. Օտարերկրյա հաշիվների հարկային համապատասխանության ակտի (Foreign Account Tax Compliance Act (FATCA)) հիման վրա ԱՄՆ-ի հետ կնքած համաձայնագրի և Միասնական Հաշվետվողական Ստանդարտի համաձայնագրի ներքո Բանկը Ձեզնից կարող է իրականացնել լրացուցիչ տեղեկատվության հավաքագրում:

8. Ավանդի տարեկան տոկոսային եկամտաբերությունը (APY) ցույց է տալիս, թե որքան կկազմի ավանդի տարեկան եկամտաբերությունը հաճախորդի կողմից ավանդի հետ կապված պարտադիր վճարներ կատարելու և ստացված տոկոսագումարները մայր գումարին ավելացնելու (կապիտալացման) արդյունքում: Հաշվարկվում է համաձայն ՀՀ ԿԲ սահմանված կարգի՝ համաձայն հետևյալ բանաձևի՝

$$A = \sum_{n=1}^N \frac{K_n}{(1+APY)^{\frac{D_n}{365}}}$$

որտեղ՝

APY-տարեկան տոկոսային եկամտաբերությունը,

A - ավանդի սկզբնական գումարը,

n - ավանդի դիմաց դրամական հոսքերի հերթական համարը,

N - ավանդի դիմաց դրամական հոսքերի վերջին համարը (ներառյալ նաև ավանդի ներդրման պահին դրամական հոսքը), որից հետո ավանդային պայմանագրի ժամկետը համարվում է ավարտված,

K_n - ավանդի ներդրման պահին և/կամ ավանդի գործողության ընթացքում ներդրված ավանդի և/կամ կապիտալացված տոկոսագումարների, առկայության դեպքում պարտադիր վճարների հոսքերը,

D_n - այն թիվն է, որը ցույց է տալիս, թե քանի օր է անցել ավանդի ներդրման օրից մինչև ավանդի դիմաց կատարվող հերթական՝ n-րդ դրամական հոսքերը ներառյալ: Այն դեպքում, երբ ավանդի ներդրման պահին է դրամական հոսքերը, $D_1 = 0$

Տարեկան տոկոսային եկամտաբերության (APY) հաշվարկման օրինակ (* առանց եկամտահարկի)
Ժամկետի վերջում տոկոսների վճարմամբ
Ավանդի գումարը՝ 500,000 ՀՀ դրամ,
Տարեկան տոկոսադրույքը՝ 10,25%,
Ավանդի ժամկետը՝ 01.04.2025թ.- 01.01.2026թ., ընդ որում՝ 01.04.2026թ (366-րդ օրը) մարման օրն է,
Հաշվարկված տոկոսագումարը՝ $500,000 * 10,25\% / 365 * 365 = 51,250$
Ավանդատուի ստացած եկամուտը՝ $51,250 <<$ դրամ
Տարեկան տոկոսային եկամտաբերությունը (APY)՝ $500,000 = 551,250 / (1 + APY)^{365} / 365$
APY = 10,25% *

1. Իրավաբանական անձանց ավանդների վերադարձը երաշխավորված չէ Ավանդների հատուցումը երաշխավորող հիմնադրամի կողմից:

2. Անհատ ձեռնարկատիրոջ ավանդը երաշխավորված է Ավանդների հատուցումը երաշխավորող

Հաստատված է՝
Տնօրինության 24.03.2026թ.-ի
Թիվ DEC 12-25 արձանագրությամբ:
Ուժի մեջ է մտնում 13.04.2026թ.-ից

հիմնադրամի կողմից՝ համաձայն «Ֆիզիկական անձանց ավանդների հատուցումը երաշխավորելու մասին» ՀՀ օրենքի:

ԵՐԱՇԽԱՎՈՐՎԱԾ ԱՎԱՆԴԻ ԱՌԱՎԵԼԱԳՈՒՅՆ ՉԱՓԸ ԵՎ ՀԱՇՎԱՐԿՄԱՆ ԿԱՐԳԸ				
Ավանդի արժույթային կառուցվածքը	Եթե նույն բանկում ունեք միայն դրամային ավանդ	Եթե նույն բանկում ունեք միայն արտարժույթային ավանդ	Եթե նույն բանկում ունեք և ՀՀ դրամով և արտարժույթով ավանդ	
			Եթե դրամային ավանդը 7 միլիոն ՀՀ դրամից պակաս է	Եթե դրամային ավանդը 7 միլիոն ՀՀ դրամից ավել է
Ավանդի երաշխավորման առավելագույն չափը	16 միլիոն ՀՀ դրամ	7 միլիոն ՀՀ դրամ	7 միլիոն ՀՀ դրամ (երաշխավորվում է դրամային ավանդն ամբողջությամբ և արտարժույթային ավանդը՝ 7 միլիոն ՀՀ դրամի և հատուցված դրամային ավանդի տարբերության չափով)	16 միլիոն ՀՀ դրամ (երաշխավորվում է միայն դրամային ավանդը)

Ծառայության վերաբերյալ ամբողջական տվյալներին կարող եք ծանոթանալ www.fastbank.am կայքում, ինչպես նաև զանգահարելով միասնական տեղեկատվական ծառայություն՝ (+374 10) 510000 հեռախոսահամարով:

ՈՒՇԱԴՐՈՒԹՅՈՒՆ. ԲԱՆԿԸ ՎԵՐԱՀՍԿՎՈՒՄ Է ՀՀ ԿԵՆՏՐՈՆԱԿԱՆ ԲԱՆԿԻ ԿՈՂՄԻՑ